

Այս երկու ճառերը ուրիշ երրորդի մը հետ՝ միեւնոյն հեղինակին գրչէն, արդէն «ՍՈՓԵՐՔ ՀԱՅԿԱԿԱՆՔ — ԻԳ» շարքին մէջ, տարւոյս նախորդ ամիսները հրատարակեցի. զնեւով զանոնք իբր անթառամ ծաղիկ մը՝ տարածամ մահուամբ թարշամեալ հոգեկցի մը դամբանին վրայ:

Փրկչական Տնօրինութեանց հազարինն հարիւրամեայ Յոբելեանին առթիւ, միայն երկուքը կը փափաքինք ծանօթացնել հանրութեան, թէ եւ երրորդը՝ թէ ոչ գերագոյն, գէթ միւսներէն վար չէ:

Եկեղեցական ասպարիզին և Աստուծոյ ծառայութեան նուիրեալ անձանց, քահանայական կատարելութեան համար՝ ոսկեհատիկ խրատներ են: Վստահ թէ «Բազմավէպ»ով աւելի մատչելի կ'ըլլան հասարակութեան եւ աւելի կարգացող կ'ունենան, հոս ալ հրատարակուեցան, որպէսզի փրկագործութեան եռանդուն քաւորիչները գիտնան լուսաւորուիլ ասոնցմով, և իրենց մէջ թաքուցեալ աստուածային սիրոյն հուրը՝ կարենան ծաւալել հրդեհել հաւատացելոց սրտին մէջ:

Առաջին անգամն է որ լոյս կը տեսնեն ճառերս: Յարգ անձանօթ մնացած էին:

Շատ անորոշ կերպով կիրակոս Գանձակեցիէն գիտէինք անոնց գոյութիւնը: Հ. Յակովբոս Տաշեան իր «Մայր Յուցակ»ին մէջ՝ և ոչ իսկ կը ճանչնայ զանոնք: Կ. Պոլսոյ Նաբեկի մը վերջերը (տպ. 1847, 1852), Գոհութեան աղօթք մը կայ հեղինակիս անուամբ, որուն սկիզբը միայն քիչ մը կը նմանի Ա. ճառին՝ և յետոյ կը տարբերի: Ճառերս ուրեմն նոր են: Հնութիւնն, իմաստն ու շարամանութեան արուեստը նկատելով՝ կրկին յարգ կ'անուն:

Ս. Ղազարու մատենադարանիս Թ, Ե, 352 ձեռագրին մէջ կը գտնուին, էջ 628-659: Թղթեայ, բարեկազմ և միջազիր գրչագիր մ'է Թ. դարուն: Բարսեղ կաթողիկոսին օրով օրինակուած է, որով՝ Ս. Գոշին ժամանակակից: Աստուածաբանական, մատենագրական և լեզուական ընդարձակագոյն դիտողութիւններս ճառերուս նկատմամբ, պիտի գտնեն ընթերցողը թերթիս յաջորդ թիւերուն մէջ:

Առ այժմ իմ միակ մաղթանքս է, որ Ազգիս հոգեւոր զստակարգը՝ կարգայ և օգտուի ասոնցմէ, և մեր Ս. Հարց հոգեւորն ու շունչով սնանի, աճի և զարգարուի:

Հ. ԳՐԻԳՈՐ ՍԱՐԳՍԵԱՆ

ՍԿԻԶՐԻՆ. պատուիրանաց՝ երկուք Տեառն է. ըստ այնմ՝ երկուքիւ Տեառն ամենայն ոք խորշի ի չարէ: Եւ, Սկիզբն զգոնութեան՝ երկուք Տեառն: Եւ, Երանեալ է այր որ երկնչի ի Տեառնէ: Ընդէր. զի ի պատուիրանս նորա նա կամի յոյժ: Զի իբր յարմատոյ՝ յերկուքէ Տեառն ամենայն պատուիրանք ընծիւ զին: Իսկ ստունկանողք երկուքին՝ խոտորին յամենայն պատուիրանաց Տեառն, և վասն այնորիկ դատապարտին: Որպէս Աքամ, և կինն, և օձն, և Կային, և դարն Նոյի: Սորոմայեցիք և Քանանացիք և որք յանապատին. և որպէս ի կատարածի՝ ի հուրն յաւիտենական: Այլ պահողք պատուիրանացն հանդերձ երկուքիւ, Ժառանգորդք լինին արքայութեանն ընդ ամենայն սուրբս:

Իայց օրինակ երկուքի Տեառն այսպիսի է. զի զնա միշտ մերձ տեսնիցես՝ որպէս և է, ի կալ, ի գնալ, ի ննջել, և յառնել, և յուտել, յըմպել. որպէս ասէ մարգարէն, Յառաջագոյն տեսնէի զՏէր առաջի իմ յամենայն ժամ, զի էր ընդ աջմէ իմմէ զի մի սասանեցայց: Այսպիսի մտք՝ անշարժ ի պատուիրանաց Տեառն լիցիս զօրհանապազ: Ի խոհանութեան, յողջախոհութեան, յարիւթեան, յարգութեան. յաղօթս, ի սէր, ի բանս ճշմարտութեան, ի պահս պնդութեան, ի Ժուժկալութեան, ի խոնարհութեան, ի համբերութեան, յողորմութեան, ի քաղցրութեան, ի հեղուութեան, ի հանդարտութեան, ի լուութեան, ի գթութեան, յարբանեկութեան, ի հիւրասիրութեան, յաստուածասիրութեան. ի հաւատքս, ի յոյս, յերկայնմտութեան, յուսումնասիրութեան, յընթերցասիրութեան, և բնութի յամենայն

արդարութեան, զոր միանգամ երկուք ուսուցանէ:

Զգոյշ լէր անձին քում սրբութեան. զի գլուխ քահանայութեան եւ կրօնաւորութեան քո՝ սրբութիւնն է: Զի գրեալ է, Սուրբ եղբւրք՝ զի ես սուրբ եմ Տէր Աստուած ի միջի ձերում: Մի ապացես տեղի ամենեկն աղտեղութեան խորհրդոց, արեամբ չափ ընդդէմ կացցես արիւար: Զի թէ սակաւ ինչ մուտ գտանիցէ՝ բաղմանայ ի վերայ քո մտածութիւն չարութեան, և խաւարեցուցանէ զոգի քո օր ըստ օրէ, և վարէ զքեզ ի գործն քարշութեան: Պահեա զաչսդ ի տեսանելոյ՝ որպէս պատուիրեաց Տէր: Զճառս կանանց աղտեղութեան մի լսէր բնաւ:

Մի ստանար քեզ ի նոցանէ մայրագիրս և քոյրագիրս, կովկիթս և սպասաւորս. ապա թէ ոչ՝ ունիս ստանալ և կնագիրս: Եւ մի առ աղգականս յաճախեր երթալ, զի մի պատճառ քեզ կործանման իցեն: Ստեպ ստեպ յաղօթս կացցես հանդերձ զղմամբ և արտասուօք յամենայն ժամանակի: ԶԱստուած միշտ ի մտի պահիցես, և զյիշատակ սիրոյ նորա յոգի քո հաստատեցես: Եւ պահօք զանձնդ ամրացուցանիցես: Միս մի ուտիցես՝ բայց եթէ հիւանդանայցես կամ ծերանայցես. սակայն զնպատակն մինչեւ ի մահ պահիցես: Գինի մի բնաւին, բայց եթէ ճաշակիցես և զԱրարիչն օրհնիցես, և կամ ի բժշկութիւն վարիցես. սակաւ հանդերձ երկուքիւ: Յիշեցես զորդիւն Ահարոնի և ըզհրդն կիզումն, և այսպէս ամենեւիմք զցանկութիւն շիջուցես: Ապա թէ յաղթիս ի ցանկութեան խորհրդօք՝ մի թաքուցաներ, յայտնեալ խոտորմանութեամբ, և այնպէս

աղաարկից: Այլ էթէ ծածկիցէս
և անմաքուր ի խորհուրդն մերձե-
նայցէս, գիտասլիր՝ զի յաւիտենից
կորնչեալդ էս: Կա, և նոյն ինքն
խորհուրդքն այնպէս գիւրաւ չի-
ջանի յորժամ յայանիցէս. ապա
թէ ծածկիցէս՝ իբրեւ հուր ընդ
յարդիւ, առաւել բորբոքի: Յոր-
ժամ կարի ստիպէ խորհուրդն զազ-
րութեան, ընդ միտ ամ զամօթ յա-
ւիտենական և զտանջանն մշտն-
ջենաւոր և զնախատինս մարդկան,
և այնպէս չիջանի: Բորբոքումս սի-
րոյն Աստուծոյ առաւել չիջուցանէ:

Սովորութիւն ընդունելութեան
առ մանկունս մի կալցիս, և մի
առ նմանակիցս քո: Մի խօսիցիս և
մի ծիծաղիցիս ընդ նոսա, զի մի ի
փորձութիւն ստանալի անկանի-
ցիս: Զեռն ամենեւին ի նոսա մի տա-
նիցիս, և ոչ ըստ միոյ պատճառի.
բայց էթէ հարկ իցէ վարոցաւ խը-
րատել ի գիպող ժամանակի: Թող
զհաց մինչդեռ քեզ պիտիցի, նոյն-
պէս և զվուր, և մի յագիր քնով.
զի սոքա զախոսս պարարեն և զմիտս
խաւարեցուցանեն: Մի սիրեր զգե-
ղեցկութիւն հանդերձի՝ և ոչ զմիոյ.
զի նիւթ են սոքա խորհրդոցն պոռ-
նըկութեան, և փառասիրութեան,
և անախառութեան:

Յաներկիւզս և յարհամարհիւս
պատուիրանի Տեառն, և ի զազրա-
խօսս՝ մի յարիցիս, զի մի զմիտս
քո ապականիցեն: Մերձաւոր լեր
գու ծերոց և երկիւղածից Աստու-
ծոյ, և սպասաւորեալ նոցա, զի չա-
հիցիս ի նոցանէ խրատու:

Ի ձեռին քո կալցիս զգիրս սուր-
բըս՝ և ի նոցանէ խրատիցիս, մա-
նաւանդ՝ զվարս հարանցն սրբոց:
Ուսցիս էթէ զհարգ զերիտասար-
գութիւն թառամեցուցին ճգնու-
թեամբ, և սուրբ տաճար եղեն Աս-
տուծոյ, և ժառանգորդք արքա-
յութեան:

Դատարկակեաց մի լիցիս, զի ի
նմանէ առաւել զօրանայ խորհուրդն
չարութեան: Բաժանեալ զօրն քեզ՝
ի գործ, յաղօթս և յընթերցումն:
Յաղօթս կացցես յառաւօտու՝ և մի
ծուլացիս ի քուն, և ի միջօրէի,
և յերեկոյ՝ ի քնոյն: Զայդ սովո-
րութիւն կալցիս առաւել քան ըզ-
հասարակաց կարգն: Եւ այսպէս
աղօթիցես: Կախ օրհնիցիս զԱս-
տուծոյ որչափ և գիտիցես, և ապա
խնդրիցես՝ նախ զհոգեւորն և ապա
զմարմնաւորն, և ապա գոհանայցես:
Բայց յառաջ քան զամենայն՝ հա-
սարակաց աղօթիցիս, և ապա անձին

քում՝ բազում խոնարհութեամբ:
Մաքրիցես զմիտսդ յոխակալութե-
նէ, յատելութենէ: Ի մախանաց, ի
նախանձուէ, ի փառասիրութենէ:
Ի մարդահաճութենէ, ի անախա-
ռութենէ, ի բաւասիրութենէ: Ի
բամբաստանաց, ի չարախօսութենէ,
ի թշնամութենէ, յամբարտաւա-
նութենէ, յամբարհաւաճութենէ:
Յանձնասիրութենէ, ի կեղծաւորու-
թենէ, և յամենայն յայսպիսեացս՝
զի աղօթքն քո սուրբ ելանիցեն:
Գիտասլիր, զի թէ թշնամեաց քոց
չար լինել աղօթիցիս՝ ոչ լսէ Աս-
տուծոյ, և առաւել զայրանայ ի վե-
րայ քո և դատապարտէ: Կախ թող-
ցիս յանցաւորին քում, և աղօթիցիս
զարժանն, և ապա քոյոց յանցա-
նացն խնդրիցես թողութիւն:

Սրբեալ զքեզ յամենայն ագահու-
թեան օրինակէ: Մի սիրեր և ոչ զմի
ինչ զնիւթ՝ թէեւ հարկաւորաբար
ստանայցես: Եւ թէ պատահի առ-
նուլ զինչս քո ի քէն՝ մի արտմիր
բայց ընդ հոգւոյ սակաւ պակա-
սութեան՝ մեծապէս սուգ կալցիս.
բաւական համարեսլիր զհանդերձ
և զկերակուր: ԶՏէր ստացիր քեզ
փարթամութիւն՝ և սպասաւորեալ
նմա զգուշութեամբ, և ամենայն
ինչ յաւելցի քեզ: Մի լինիր ըն-
չաժողով, և մի որսար զմեղուս. այլ
լեր գու իմաստուն մեղու Քրիս-
տոսի, և յոգի քո ամբարեալ զպատ-
ուիրանս նորա, զի Ոչ կարեն եր-
կուց տերանց ծառայել: Ապա թէ
պարզաբար ոք իցես՝ չափով զհար-
կաւորն ստացիր, զի մի յերանելի
աղքատութենէն վրիպիցիս: Եւ էթէ
սիրես զստանալն՝ մի վասն քո, այլ
վասն եղբարց մատակարարութեան:
Սիրես զողորմութիւն ըստ գոյին
քո, և տուր կարօտելոյն յամենայն
ընչից քոց: Մի համարիր զինչս քո
քեզ՝ այլ Աստուծոյ, և զքեզ՝ ըս-
պասաւոր: Այնքան է քո՝ որքան
և այլոց: Ապա թէ այսպիսի մտօք
չիցես՝ գիտասլիր, զի ի դատաստան
ագահից անկանելոց էս: Տուր կա-
րօտելոյն ի յարկէն, ի հանդերձէն,
ի կերակրէն և յըմբելոյն:

Մի ապաստան լիցիս ի կրօնա-
ւորութիւն քո, զի մի նման յիմար
կուսիցն յառաքաստէն արտաքսան-
կանիցիս: Զանասլիր սիրել զընտա-
նիս որչափ զօտարս՝ թէ բարեպաշտք
իցեն. ապա թէ չարք և աներկիւղ-
իցեն, ամենեւին հրաժարեաց: Զան-
ձըն քո ամբողջ պաշտէ: Եթէ կա-
րող իցես՝ ձեռն տուր քոյոցն հոգե-
ւորապէս, ապա թէ չիցես կարող,

այլ և փնասիցիս, փախիր ի նոցանէ՝
և բնակեալ ուր օգուտն քո է:

Խոնարհամիտ լեր առ ամենեւ-
եան. առ մեծամեծս և փոքունս:
Սպասաւորեալ ծերոց խոնարհու-
թեամբ և մի ամբարտաւանիւր: Նա-
զանդ լեր ուսուցչին քո մինչ ի մահ.
և զամենայն ինչ ըստ խրատու ծե-
րոց առնիցես: Զկամս քո ամենեւին
ուրացիր: Զքեզ քան զամենայն ոք
յետին և անարժան համարեսլիր:
Մի պարծիր ի շնորհս ինչ քո, զի
ամենայն Աստուծոյ է: Յասկոտ մի
ուսանիցես՝ այլ հեղութեամբ և հան-
դարտութեամբ զամենայն ինչ առ-
նիցես: Եւ քէ և նզ՝ բնաւ մի ու-
մեք ասիցիս, զի մեծ պատուէր է
ի Գրոց վասն այդոցիկ: Ապա թէ
յայդոսիկ սովորիցիս՝ ի բաց կաց-
ցիս ի քահանայադործելոյ:

Վրէժխնդիր արամեցուցչին քո
մի լինիր, այլ ջանասլիր բարիս
նոցա առնել՝ զի մեծ համարձակու-
թիւն կալցիս առ Աստուծոյ: Զա-
տելիս քո մի ատեր, բայց զատելիս
Տեառն ատեալ առաւել: Ի բազմա-
կանս՝ գահասէր մի լինիր, այլ զա-
մենեսեան առաւել մեծարեալ քան
զքեզ: Դաղրասէր մի լինիր, և մի
զբօսասէր, և մի զրոյցասէր. զի
դոքա ամենեքեան վասնիչք են չը-
նորհացն Աստուծոյ: Մի զոք յա-
կանէ խոտեր այսպիսելով, զի մի և
գու խոտիցիս ի Տեառնէ:

Զկաղ, և զկոյր և զնման սոցա մի
զղուէր, զի մի զայրասցի Արարիչն:
Զաղքատն յորժամ տեսնիցես՝
յիշեալ զՏէր եւ զաղքատութիւն
նորա վասն քո, և ջանա հաղորդել
նմա: Բարի գործել՝ մի պատահ-
մամբ առնիցիս միայն, այլ և փոյթ
կալցիս հոգաբարձութեամբ առ-
նելէ: Ի տուրն զուարթաւոր լեր,
զի մի փոխանակ ցորենոյ՝ եղիճ
բուսցի քեզ: Ի սէր անկեղծաւոր
լեր, և ի բան՝ ճշմարիտ: Ի հաւա-
տըս անյողդոք, ի յոյս՝ աներկբայ:
Եւ այդոքիւք՝ գիւրի քեզ ամենայն
առաքինութեան ճանապարհք:

Միշտ սուգ կալցիս յանձին
քում, և սիրիցես զարտասուս. զի
դոքա են նշանակ սիրոյ Աստուծոյ:
Սակայն, թէեւ աղբիւրս արտա-
սուտց ունիցիս՝ մի հպարտանար, զի
այն շնորհք յԱստուծոյ են: Սիրես
զտալ քան զառնուլ. զպատուել՝
քան զպատուիլ. զյուսանել՝ քան
զյուսուցանել: Որչափ ի մարմնի
ես՝ կարօտ ես ուսման: Թոյլ և թոյլ
և լքեալ մի լիցիս, զի մայր ամե-
նայն չարեաց՝ պղերգութիւնն է:

Ի տեղի աղօթից զգաստ լիցիս,
մի միայն մարմնով՝ այլ և հոգւով:
Սիրես զաւուրս տօնից, մի վասն
կերակրոյ՝ այլ վասն խորհրդոյն որ
ի նոսա: Խօսեալ, զի լուս բնաւ
չվայելէ, այլ զոր ինչ արժանն է.
սակայն մանկան՝ ըստ հարցմանն
պատասխանելն է գովելի: Մի զաչ-
սըզ զվայրով ամիցես, և մի զմիտսդ
ցնդիցես, զի մի մոլորիցիս: Մատո
գոնկդ ի խրատ, և զխորհուրդսդ՝ ի
քննութիւն, և ընտրեալ զօգուտն ի
նոցանէ:

Ի վայր կալ զաչսդ, և ի վեր
զմիտսդ՝ զի միշտ ընդ Աստուծոյ
խօսիցիս: Յիշեալ զԱստուծոյ ընդ
տուրեւառութիւն շնչոյդ՝ թէ հնար
է, զի նովաւ ապրիցիս ի խաղբից
ստանալի: Մինչ մանուկ ես՝ սիրեա
զառաքինութիւն և գործեալ զնո-
սա, զի մի յորժամ ծերացիս ա-
պաշաւիցես: Զի ծերութիւն՝ տկա-
րութեան է, եւ ոչ ճգնութեան:
Յաղթեալ որկորստութեան գիւրն՝
պահօք, և պոռնկութեանն՝ առ-
տուածիրութեամբ, և արժամխի-
րութեանն՝ ողորմութեամբ, և
արամութեանն՝ անընչութեամբ, և
բարկութեանն՝ հեղութեամբ, և
ձանձրութեանն՝ արութեամբ, և
ամբարտաւանութեանն՝ խոնարհու-
թեամբ, և ամբարհաւաճութեանն՝
անարգախոհութեամբ, եւ ամենե-
ցունց՝ աղօթիւք: Ստացիր զաղօթս
արտասուօք. և զխոնարհութիւն և
զանապատ և զաշխատութիւն, և
տիրես ամենայն ախտից:

Մայր բարեաց առաքինութեան՝
է խոնարհութիւն, և հինն ճգնու-
թեանց՝ է համբերութիւն: Ատաա-
րած առաքինութեան՝ է սէր, և
սկիզբն՝ երկիւղ. բայց ստացումն
սոցա է յօժարութիւն կատարելա-
բուծանէ զմանկութիւն՝ ունկըն-
դրութիւն, և ուղղէ զառաքինու-
թիւն՝ պարզմտութիւն, և ստանայ
զսոսա՝ որ հաւատայ ամենայնի: Եթէ
կամիս մեծ լինել՝ խոնարհ լեր: Եւ
էթէ կամիս յառաքինութիւն հա-
սանել՝ հրաժարեալ որ ինչ երկրա-
ւոր: Առաւել քան զամենայն՝ ստա-
ցիր զընտրողութիւն: Զչափ անձին
քո ծանիր յամենայն իրս, և այն է
իմաստութիւն:

Զոր ինչ սխալիս՝ բժշկեալ իոտ-
տովանութեամբ. զիւրաքանչիւրն
յայտեալ ճշմարտութեամբ և մի
թագուցանել: Զերազափորձութիւն
բաղմորինակ ճշգրտութեամբ ցոյց. և
զիւրաքանչիւր սահմանեալ կարգն՝
կատարեալ աղօթիւք: Եթէ տունջեան

ախտացար խորհրդովք՝ և այնպէս փորձեցար. եթէ ի չին ծանօթից տեսար, եթէ ի նորոց՝ յաղգատու մէ, եթէ յօտարաց: Արուական թէ իրական, անասնական՝ թէ այլ ինչ կերպարան: Տեսութեամբ թէ շօշափմամբ. խառնակութեամբ, շաղախմամբ՝ թէ ի խորհուրդան նկարելով: Ի դրսոս արշաւելով, եթէ ի խառնակա ինչ հայելով: Մերկ զանձն տեսնելով, թէ զօտարս: Ի սրար կանանց, եթէ ի ժողովս խառնակս: Ի հարսանիս, եթէ ի տուն սոյո: Ի լուրս բանից, եթէ ի ճառս արտելիս: Ի հոսս անուշ, եթէ ի հոսս դաղիս: Գործոց կատարմամբ, եթէ անգամոց պատրանք: Ժամանակաւ հոսմամբ, եթէ տունջեան գրգռմամբ: Գիշու թեամբ, եթէ վիժմամբ: Յղիութեամբ կերակրոյ, եթէ լրութեամբ ջրոյ: Յաշխատութեանց՝ եթէ ի հիւանդութեանց: Կամաց յօժարութեամբ՝ թէ ակամայ ընդդիմութեամբ: Հաւատացեալս՝ եթէ անհաւատ երեւոյթն եղեւ: Ի՞նքն յուզեաց զմտորութեան տեսիլս, թէ յայլոց կերպարանեալ ըմբռնեցաւ: Զայս ամենայն և որ սոցին նման, հարկաւոր է մասնաւորաբար պատմել հօր խոստովանութեանն: Զի գիւրին է գիւրին զանազան կերպարանել:

Իայց դու զգոյշ լեր, մի յարթ նութեան ինչ աղտեղացիս՝ զի մի յանուրջս նովիմք փորձիցիս: Զի աստ միայն ունիս զառաւելութեան կարգն, իսկ այլն ամենայն՝ մի օրինակ քեզ եղիցի: Սակայն վասն առաւել զգուշութեան իրին գիւպուածոյ, աւելի ինչ կրել զկարգն արժան է, զի մի ի տեսիլս զանազան ախտացիս ինչ: Եւ մի միայն զցանկութեան գիւպուածան խոստովանիցիս և զայլոց ախտից անփոյթ առնիցես. զի մի մասն է յայլոց մասանց: Այլ խոստովանեալ, թէ բանիւք յանցեար, և թէ խորհրդօք: Զկամայ և զակամայ: Զգիտութեան և զանգիտութեան: Զցասման, զանգէպ երկիւղի, զանբան արտութեան: Զծուլութեան, զորկորտութեան, զգատարկութեան, զանհափութեան քնոյ: Զամբարտաւանութեան, զնախանձ չար, զատելութեան, զմախանս: Զկեղծաւորութեան, զչոգմոգութեան, զանապարծութեան, զանափառութեան, զխեղկատակութեան, զգատարկութեան: Զմանգամայն զամենայն ախտս հոգւոյ և մարմնոյ:

Եւ ջանասջիր զի մի չար ինչ սովորութիւն չարին ի քեզ մնացէ: Ապա թէ ոչ՝ իբր խմոր զբազում առաքինութեանց զզանգուածան իբր մորէ: Զի թէ ընդ մի կապանօք անկար ախտի՝ ծառայ եղեր ամենայն ախտի: Որսկիս ինչ, զի թէ յաղթեցեր ցանկութեան և յաղթեցար յաղթանք: Զի ի լուծանել միոյն՝ ոչ կարես ամբողջ և զայլսն պահել, և ժառանգ լինել արքայութեանն: Զի ագահն լուծանել զէր, զգլուխ ամենայն օրինաց, և նովաւ զամենայն պատուիրանս: Այդպիսի իմա և զայլն ամենայն: Զի որպէս հարկաւոր է բազում անգամք մարմնոյ, հարկաւոր է և բազում օրէնք հոգւոյ: Զի թէ ոչ էին ամենայն հարկաւոր, թերեւս ոչ ամենայն իսկ գրէին: Եւ թէ պատուես զառնիչ օրինացն յոմանս զոր առնես, ապա անպատուես զնա յայնոսիկ զոր ոչ առնես. և յաղագս այնորիկ դատարարութիւն:

Յամենայն ժամանակի պարտապան տես զքեզ օրինացն Աստուծոյ: Թէ առնիցես՝ Ծառայք անպիտանք եմք յիշեցես, զի թերեւս զղմամբն ապրեսցիս: Զի որպէս կատարմամբն և խոնարհութեամբն յամբարտաւանութեան ասլիցիս, նոյնպէս զղմամբն զթերին լցցես: Եւ զԱստուծոյ զպարտապան ըզնորհն հատուցես:

Զօր մահուն հանապաղ ի մտի քո կալցես, զի այնպէս զկարճմտութիւնն հաւցես: Ի գիշերի և ի տուէ խորհիցիս զի համար տալոց էս ընդ ամենայնի, և այնպէս երկիւղն ի սիրտ քո անկցի, և նովաւ յամենայն պատուիրանս Տեառն լիցիս:

Զամենեսեան սիրելիք յորոց ոչ փնտեսցիս. և յորոց փնտսիս՝ խորհեսջիւր. սակայն աղօթեալ վասն փրկութեան նոցա:

Ի բանս՝ հակառակաւ մի լինիր զքոյն հաստատելով: Թէեւ ճշմարիտ իցես, ի սկզբանն տեղի տուր, և ի դադարել հակառակութեանն՝ ցոյց զքո ճշմարտան, թէ ընդունին. ապա թէ ոչ՝ մի ինչ արամիր:

Մի հաւատար վարուց քոց մինչեւ յօր ելի քո յաշխարհէ: Զի որքան ի նաւարկութեան էս՝ երկիւղ է նաւաբեկութեան:

Մի ուխտեր ինչ Աստուծոյ վաղվաղի անընարողաբար, զի մի զըզջացիս և ուխտադանց գտանիցիս: Ապա թէ ի նեղութեան ուխտեցեր փութա կատարել:

Մի խոստանար տալ ընկերի քո զոր ոչ կարես, այլ տուր զոր կարես: Եւ մի խոստանար՝ զի մի պատճառ առեւելութեան լիցի:

Որ երէց քան զքեզ իցէ նմա տուր զբազմականն, զբան, զխորհուրդ, և զայլն ամենայն. ապա թէ տգէտ ոք իցէ՝ ծածկաբար ծանո զարժանն, և զքեզ մի երեւցուցանել ջանացես: Մի խօսիր սուտ ընկերի քո, և մի դաւաճաներ զնա, զի մի և դու անկցիս ի դուր:

Մի տար տեղի աշխարհականաց գայթակղութեան և ոչ միոյ իրի, ապա թէ ոչ՝ դատապարտիս ի Տեառնէ: Տուրեւառութիւն վաճառի, շահի վասն՝ ընդ աշխարհականս մի առներ. ապա թէ առնիցես՝ տուր առաւել՝ և առ սակաւ:

Մի օթիցես յաշխարհ գիշերի, մանաւանդ միայն. բայց եթէ հարկ իցէ՝ ընդ այլ եղբարս, և կամ առ քահանայի:

Տրանջող մի լիցիս առաւել՝ վասն կերակրոյ, զի մի նմանիցիս որոց յանապատին: Զխորհուրդ ուրուք

քեզ յայտնեալ՝ այլ ումեք մի ասեր, զի մի անհաւատարիմ լիցիս: Մանրակծիծ մի լիցիս, զի մի զմեծամեծան առցես: Երգումն, և ոչ սակաւ՝ մի երգնուցուս, զի մի և զմեծամեծան ուսցիս: Հասուխած՝ մի սովորիցիս, զի մի նմանեցիս առ նմանոց: Ընդ ումեք որ մերձ իցես՝ առանձին ինչ մի ստանար, զի մի երկպառակ երեւեսցիս:

Սէր հաւատարիմ կալցիս առ ամենեսին, ապա թէ պատճառաւ իցէ՝ գիւրաւ լուծանի: Ընդ ում որ բնակիցիս, որքան երկիցես և օգտիցիս՝ կացցես. ապա թէ արհամարհել սկսանիցիս՝ մի կացցես: Յիւրաքանչիւր առուր հանդէս առնիցես մտաց քոց և ի ժամու, և ուղղիցես զսխալեալն բազում փութով. և այնպէս կարիցես Տեառն հաճոյ լինել և ժառանգել զարքայութիւնն: Դնորձօք և մարդասիրութեամբ Տեառն մերոյ Յիսուսի Քրիստոսի, ընդ որում Հօր միանգամայն և Հոգւոյն սրբոյ վայելէ փառք իշխանութիւն և:

ՆՈՐԻՆ ԴԱՐՁԵԱԼ

ԲԱՆԻՍՈՒՄ

ՎԱՍՆ ԶԳՈՒՇՈՒԹԵԱՄԲ ՍՊԱՍԱՒՈՐԵԼ

ՄԱՐՄԵՈՅ ԵՒ ԱՐԵԱՆ ՏԵԱՐՆ

ԳԼՈՒԽ ամենայն բարեաց Տեառն առ մեզ եղեալ է հաղորդութիւն Մարմնոյ և Արեան իւրոյ սրբոյ. և վասն այնորիկ հարկաւոր է սակաւ ինչ գրել, թէ որպէս արժան է սպասաւորել անճառ խորհրդոյն պաշտօնէից Եկեղեցւոյ:

Իայց գիտել պարտ է զի զանաւորան ոգւով և մարմնով ինդրէ մեծ խորհուրդն: Զի թէ ըստ օրինակին այնպիսի էր, որչափ ըստ ճշմարտութեանն: Քանզի կաղ և կոյր և ամենայն արատաւոր ի պատարագան անընդունելիք էին. և այնոքիկ օրինակք էին ոգւոց անարատութեանն: Եւ և ոչ անկատար մարմնով հաճոյ է Աստուծոյ: Զի ըստ օրինացն՝ քսան, քսանէ հինգամենից ի վեր և ոչ ի խոնարհ հրամայէ կարգել ի քահանայութիւն: Զի թէպէտ ան-

արատ, չար է խակութեամբ թերի գտանել ի պաշտօնն: Զի գերազանցութեամբ բարեաց զարգարիլ ի գէպ է քահանայից՝ և ոչ հասարակութեամբ: Որպէս զի առ այլս նորին բարին իցէ, և ոչ իւր միայնոյ, զի այնորիկ աղագաւ կարգեալ է՝ զի մատակարար ուղղութեան իցէ որոց ընդ ձեռամբ: Ապա թէ անկատար իցէ ոգւոյն առաքինութեամբ և մարմնոյն հասակաւ՝ բազում է չարեաց տեսակ: Մի, զի ինքեան ի գատապարտութիւն է և տեսողաց ի գայթակղութիւն: Եւ դարձեալ՝ զի զբարկութիւնն Աստուծոյ չարժէ յաշխարհ, և խափանումն լինի փրկական խորհրդոյն: Զի որ ոչ իցէ ինքեան բարի զխորդ այլոց: Քանզի ի խաւարէ լոյս ոչ է, և ոչ ի հիւանդութեանն առողջութիւն, և ոչ

յաղքատութենէ փարթամութիւն: Նմանապէս, և ոչ ի չարէ՛ բարի: Եթէ զգուշնաբեայ զդործս անմարթ գոն կատարէ՛ յաղաքս անվարժութեան և հասակին թերութեան, զիմարդ զմեծագոյնն գործ: Եթէ զհասարակական խօսս ոչ գիտեն ասել առ ոմանս, որպէս ընդ Աստուծոյ խօսին: Եթէ հայցել ի մարդկանէ ոչ գիտեն ըստ արժանւոյն՝ սակաւ ըստ պիտոյիցն՝ որպիսի յեղանակաւ յաշուորէն Աստուծոյ խնդրիցեն զողոտք փրկութիւն: Եթէ ի տեսողաց խոտին՝ յառնել, ի նըստել, ի կալ և ի գնալ, և այն ի համազգեսց, որչափ և ի հրեղինաց սպասուորաց աստուածային խորհրդոյն: Եւ եթէ զմարմնական կեարակուն անկարգաբար ուսեն, բազում անգամ և ծիծաղելի համասեղանից, ըստ որում՝ օրինակի զհոգեւորականն և զերկնայինն գիտիցեն ուսել զկերակուր: Եթէ զինքեանց զաջ և զհակալ ընտրել ոչ կարեն, զորոց արդեօք ընտրիցեն զօգուտ: Արդարեւ յոյժ զարմանալ ի դէպ է, ոչ ընդ նոսա՝ զի գիւրաստեղծ են ոգւով և ի կամս ուղղւչացն հային, այլ ընդ կարգողսս ընդ մեզ, եթէ զիմարդ հաւատամբ զանճառ խորհուրդն ի ձեռս նոցա, և ընդ նոսա՝ և առաջին եւս դասապարտիմք:

Եւ զի մի զայս կրիցեմք, զգուշութեամբ զանձինս և զնոսա զարդարեսցուք, և ամենայն ուղղութեամբ կատարեալ կերպարանեցուք: Ըստ Տեառն նմանութեան զոր ասէն Առաքեալ. Մատոյց զանձրն անարատ պատարագ, պարտի զանբծութիւն ուղղել նուիրեալն ի քահանայութիւն: Զի սովիմք վկայիցան առաջինքն՝ որք զանձինս Տեառն նուիրեցին, Նոյ և Յոբ՝ և այլք նմանք նոցա: Սկսանել յերկիւղէ՝ և ըստ կարգի պատուիրանացն, հանդերձ մաքրութեամբ՝ ժամանել մինչեւ ի գլուխ պատուիրանին՝ ի սէրն: Եւ ամենեքումք յարգարել և այնպէս համարձակել, մանաւանդ սրբութեամբ: Զի նովաւ առաւել ընդ Տեառն սրբութեանն յարմարիմք, զի նախ սրբել՝ և ապա ի Սուրբն մերձեալ օրէնքն ուսուցանեն: Զի ոչ է միաբանութիւն մաքրութեան և անմաքրութեան, որպէս լուսոյ և խաւարի:

Սակայն առաւել սիրոյն կատարելութեամբ ձեւանալի է: Քանզի նովաւ և Տէրն զիւրն կատարեաց խորհուրդ: Ապա թէ ատելութեամբ

և մախանօք ընդ բազումս իցէ, որպէս կարիցէ ճշմարիտ Սիրոյն առնօթ լինել, և զմարդասիրութիւն նորա յայլս ճառագայթել: Զի գէմք հակառակին է ատելութիւնն և նըմանք նորին, որպէս սէր՝ կատարեալ պատկեր և նմանութիւն Տեառն: Եւ զի քահանայութեան Տեառն նշանակ է և մերս քահանայութիւն, ոչ վայելէ զճշմարտութիւն նուազել քան զստուերն, ըստ որում գրեցան, Սիրեսցես զընկերքո իբրեւ զանձն քո: Իսկ Տէր՝ և զանձն եդ, և հրամայեաց զնեւ, և աշակերտութեան նշանակ՝ զնոյն եցոյց:

Յայտնի և համառօտ օրինակ սիրոյն է հրամանն Տեառն. Որպէս կամիք թէ արասցեն ձեզ մարդիկ՝ այնպէս արարէք և դուք նոցա. զի այն իսկ են օրէնք և մարդարէք: Յայտնանէ ուսաւ Առաքեալ, ասել, Լրումն օրինացն՝ է սէր: Եւ այլուր, Մեծ քան զսոսա՝ սէր է: Եւ դարձեալ, Զհետ երթալք սիրոյ. և զի, Սէր ընկերի չար ոչ առնէ. Սէր ոչ նախանձի, և այլն: Զայն իսկ եցոյց զ'իսկութայն և զՅովնաթանայն, զի տիրապէս սէր՝ ոչ անկանի բնաւ: Վասն այնորիկ իսկ տուաւ, զի զամենեւեան ի մի յարմարեալ կապիցէ, և զարմատ չարեաց հատցէ, և երկայնամիտ ի վերայ նուազելոյն լիցի, և անտիակալ առ մեղուցեալսն: Զի եթէ ի պարզաբար աղօթելն հրամայեաց թողուլ զյանցանքս՝ և ապա աղօթել, Թող, ասէ, զյանցանս մեր՝ որպէս և մեք թողումք մերոց պարտապանաց: Որում ներման արժանացին որք ոխակալութեամբ յանգգնին յաշուոր խորհուրդն: Յիշեսցեն և զսուակ պարտապանացն, որք ոչ ունէին հատուցանել՝ և չնորհեաց: Զի և այնքան եցոյց զգոնդակութիւն չարին մախանաց և ատելութեան, որպէս զի և ի սեղանոյն հրամայեաց երթալ և հաշտիլ:

Արդ սիրեալ հասարակ զամենեւեան՝ որքան հնար է, և ի փնտրողաց հրաժարեալ վասն զգուշութեան՝ բայց մի ատեր: Եւ զարժանաւորսն պատուեա առաւել: Այսոքիւք բարեշուք լիցիս, ըստ որում գրեալն է՝ Քահանայք քո զգեցցին զարդարութիւն ի վերայ այսորիկ ուսուցանէր լինել՝ որով արիութիւնն յարգարի, և բարեկարգ լիցիս: Զի իբր արուեստականի գործիք են պէսպէս ուսմունք, որովք մարթ է լինել արուեստին, որպէս զի որք ոչ ունին՝ ոչ կարեն գործել: Ան-

խափան կատարեալ զպաշտօնն տուելեան և գիշերելոյ: Եւ յորժամ հանդերձեսցիս մատչել ի սեղանն սրբութեամբ և կատարել զսէրութեանն խորհուրդն, մի ի պատճառս ադաչութեան առնիցես զձի փրկութիւնն աշխարհի: Զի և մեք ի Տեառնէ ոչ փոխարէն առաք, այլ պարգեւս: Եթէ ամենահաճոյ առնիցես Տեառն, զպէտս քո յայնմանէ առնուցուս, Զի պաշտօնեայք սեղանոյն՝ ի սեղանոյ անտի վայելեն: Իսկ զառաւելեալն՝ յաղքատս ծախիցես:

Եւ մի առնիցես փառասիրութեամբ, արհամարհելով զփառս Աստուծոյ, զի մի անարգիցիս յԱստուծոյ: Եւ մի մարդահաճութեամբ, զի Տէր ցրուէ զոսկերս մարդահաճոյից: Եւ մի յաւուրս տօնից սեթեթեալ արիասցիս, և յայլ աւուրս հեղգացեալ՝ անփոյթ առնիցես: Եւ մի յաւուրս ադապից յափշտակիցես զառաջին պատիւն՝ չաչի վասն և մեծարանաց միանգամայն, զի մի իբր ամենայնիւ ախտաւոր լիցիս: Այլ յամենայն ժամանակի՝ մի դիտաւորութիւն քեզ լիցի, կամացն Աստուծոյ հաճութեանն: Եւ զանձն քո զարդարիցես ըստ նմանութեան պատմութեանն Ահարոնի՝ արդարութեամբ: Եւ անխոցեալ լիցիս յամենայն ախտէ, մանաւանդ ի դիւհն պոռնկութեան: Եւ եթէ կրիցես ինչ ի ցանկութեան յարթութեան և թէ ի քոն, սըրբիցիս նախ՝ և ապա ի սրբութեանն մատիցես: Զնոյն և յայլ ախտից սրբիցիս և ապա համարձակիցիս: Զի անտեղի է ի մի յախտից զգուշանալ և յայլսն ոչ: Որպէս զբաշտման տեսանեմք, զի զնախանձ և զմախանձ՝ զմայրն մահու, և զատելութիւն և զայլ ամենայն ախտս, զհոգւոյ և զմարմնոյ՝ անխորաբար ունին, ի մի միայնէն պիտակաբար զգուշացեալք յերազմործութիւնն, որովք մանաւանդ դասապարտին քան թէ պատուին:

Բայց օրինակ մաքրութեանն կարգօք յերազմործութիւնն՝ այսպիսի է, ըստ որում գրեցաւ. քանզի բազմօրինակ է: Զի է ըստ բնութեան կրից, և է ըստ կամաց մերոց յորդորման, և է ըստ գիւնաց պատրանաց: Եւ այսոքիկ դարձեալ զանազան. ուստի որոշին ի միմեանց կարգօք:

Եւ ըստ բնութեան կրից՝ յորժամ առաւելեալն արտաքս հոսի: Եւ դարձեալ ի ճգնութեան և յաշ-

խատութեան և ի հիւանդութեան պատահի: Եթէ յառաջ քան զգիշերապաշտօնն լինի՝ զօրն արտաքոյ կացցէ, և վաղիւն պատարագեսցէ: Հոսմանն երկրորդ կարգ՝ գիշութեանն. մի, յիստն ծնով: Իսկ թէ յառաւօտու պատահի, մի ի վաղիւն՝ այլ ի միւս վաղիւն հաղորդեսցի: Բայց թէ հարկ լիցի՝ հաղորդեսցի վաղիւն: Իսկ եթէ տեսութեամբ իցէ օտարաց, յօրն արտաքոյ կացցէ և վաղիւն ի ներս, և ի միւս վաղիւն հաղորդեսցի: Եւ թէ հարկ լիցէ՝ հաղորդեսցի վաղիւն: Իսկ եթէ յառաւօտու իցէ երրորդ կարգ տեսութիւնն, երրորդ օրն հաղորդեսցի:

Այլ թէ բուն մերձաւորօք փորձեսցի ի սատանայէ, և՛ չէ յառաջ ախտացեալ՝ յերրորդ աւուրս պատարագեսցէ, ապա թէ չափաւոր ախտացեալ իցէ՝ հինգերորդ կանոնն: Իսկ եթէ առաւել ախտացեալ իցէ տուրնջեան մանաւանդ ժամանակօք, և այնպէս փորձի, զնոութեան սահման ունի: Թէ մի անգամ հանդիպի, երկու շաբաթ կրկին կարգօք ապաշխարիցէ և ապա հաղորդիցի: Եթէ կրկին եւս՝ կրկնապատիկ ապաշխարիցէ: Ապա թէ ախտացեալ սովորութիւն կալցէ՝ ի բաց կացցէ ամենեւեմքի հաղորդելոյ, մինչեւ ճշմարտապէս սրբեսցի, և ապա ի վարդապետաց ուղղեսցի:

Այդպէս եղիցի և օտար ծանօթից, եթէ հին. և եթէ այլ ընտանեացն՝ կարգօք առաւել լիցի: Ի գիշերի, և ի տուրնջեան և յառաւօտու՝ կարգօք զանազանին: Ապա թէ ի վերայ գրաստու տեսանէ կամ զխառնակս անասնոց՝ երեք կարգօրն արտաքոյ, վաղիւն ի ներքս, յերրորդին հաղորդեսցի:

Ապա թէ յետ պատարագին ի տուրնջեան, ոչ հեղգացեալ՝ փորձի օտար տեսութեամբ, կրկին կարգօվեց օր արտաքոյ, մի՛ ի ներքս, և յովթերորդն հաղորդեսցի:

Իսկ յանտես հոսումն և ի գիշութիւնն և յառաջագոյն ախտանալն, եթէ յօտարս և եթէ ի ծանօթըս թէ յընտանիս, յառաւել և ի նուազն և ի հեղգալն՝ զանազանին կարգն, որպէս յառաջ գրեցան, զի ի վարդապետաց ուղղին: Նոյնպէս և յայլ դիպուածսն փորձանաց:

Իսկ եթէ ի յովով կերակրոց և յըմպելեաց լիցի, չորս կանոն. երեք օր արտաքոյ և մի ի ներքս, և ի հինգերորդն հաղորդեսցի:

Ապա թէ արուական ինչ իցէ փորձանքն, և կամ անասնական, և կամ այլ ինչ այդպիսի և կամ այլ ազգի. թէ չունէր ինչ յառաջագոյն խոցուած տեսութեան և կամ խորհրդոյ, օրն արտաքոյ՝ և վաղին ի ներքս, յերրորդն հաղորդեսցին: Ապա թէ արտաքեալ, նոյն սահման կացցէ՝ որպէս վասն այլ տեսութեան գրեցաւ: Յառաջ քան զգիրներն պաշտօնն, և յառաջ տուն և ի տունընտան, պատարապէալ և անպատարապէ, զանազանին կարգն:

Իսկ պատրաստել զնիւթ Մարմնոյ և Արեան Տեան՝ այսպիսի է: Ի յընտիր և յազնիւ ցորենոյ պարտ է զհացն սրբութեան կազմել, և ոչ վայրաբար յամենայնէ: Եւ ի նշխարատան պաշէլ սպասաւորաց եկեղեցւոյն: Բեկեալ և այրեալ և յերկիր անկեալ նշխարով՝ չէ պատարապէ մատուցանել: Նոյնպէս զբաժակ պատարապին՝ քահանայք առանձին ամանով պահեսցեն, և սպասաւորք եկեղեցւոյն հոգացեն, զի մի պատճառ փաստու ինչ լիցի:

Ապա թէ ոք մկնանկ գինով և կամ նշխարով յանգէտս պատարապ մատուցանէ, ամենայն ամանքն սրբութեան՝ յորս հասաւ պղծութիւնն, հանդերձ սկէծածկոցովն, բայց ի հանդերձից սեղանոցն՝ ի բաց խոտեսցին: Եւ քահանայքն երեք շաբաթս պահէ և մի ի ներքս, և ապա հաղորդեսցին սրբութեանն:

Իսկ թէ գիտութեամբ ոք մատուցանէ, առ ոտն հարկանել զանճառ խորհուրդն՝ ի կարգէն լուծցի: Բայց վարդապետք իշխանք են, որպէս կամին՝ արտաքն ըստ ապաշխարութեան նոցա. երեք ամ սրբապահութեամբ ի ներքս՝ և ապա հաղորդեսցին, այսպէս և կամ այնպէս՝ ի գիտութիւն վարդապետին թողեալ է: Իսկ ի զնեւ սպասուցն՝ մերձեցեալ մուկն արածիցէ ի նշխարն, և գիտացեալ քահանայն յսկզբանն՝ մինչեւ յայն տեղին որ առնու ըզհացն և զբաժակն և օրհնէ, փոխիցէ զնշխարն՝ և այլ զնիցէ, և յառաջն սկսեալ՝ կատարիցէ զպատարապն: Իսկ թէ յետ օրհնելոյն մինչ ի բաշխելն գիտացէ, խափանեսցէ զպատարապն: Թէ այլ ոք լիցի՝ ճաշակեսցէ զանկատար խորհուրդն, և երեք շաբաթ արտաքոյ կացցէ. ապա թէ ինքն իցէ՝ կերիցէ և մի թողցէ. քառասուն և ութ օր ար-

տաքոյ կացցէ սրբութեանն:

Իսկ թէ ի մկրտելն և ի մասնաւորելն գիտացէ՝ կատարեսցէ ըզխորհուրդ, և երեք շաբաթ արտաքոյ կացցէ սրբութեանն՝ և ապա հաղորդեսցի, և ամանքն մի խոտեսցին: Իսկ թէ գիտութեամբ ծուլացեալ և արհամարհանօք անհոգանայ, և մատուցանէ զպատարապն՝ ջերմեռանդն և սրբապահ ապաշխարութեամբ, մի ամ արտաքոյ կացցէ՝ և ապա հաղորդեսցի:

Իսկ թէ քացախ գինով առնիցէ յանգէտս, կրկին ապաշխարութեամբ, երեք շաբաթ արտաքոյ կացցէ՝ և ապա հաղորդեսցի:

Ապա թէ գիտութեամբ՝ ամ մի: Այլ թէ ջրով մատուցանէ յանգէտս, և մինչեւ ցբաշխուամ, ուր և գիտացեալ, ի բաց թողցէ, և այլ մի մատուցէ: Ապա թէ ի բաշխելն գիտացէ, կատարեսցէ զպատարապն՝ և ինքն ամ մի արտաքոյ կացցէ սրբութեանն, անխափան՝ նովին կարգովն: Ապա թէ գիտութեամբ մատուցանէ՝ ի կարգէն լուծցի, և ապաշխարիցէ այն կարգան՝ որպէս կանոնք հրամայեն:

Ապա թէ երկօրեայ նշխար ոք մատուցանիցէ յանգէտս, երեք շաբաթ արտաքոյ կացցէ՝ նովին կարգան: Ապա թէ գիտութեամբ ոք մատուցանէ, ծուլացեալ կամ գիտացեալ և ագահեալ, երեք քառասուն արտաքոյ կացցէ հաղորդութեանն, զերիս մասն արտաքոյ սրբութեանն, և զմի ամ ի ներքս. և ի կատարել թուոցն և քսանիցն՝ մտեալ հաղորդեսցի: Իսկ թէ օթի ջրով ի պատճառս ծուլութեան կազմեսց զնշխարն, ութ օր արտաքոյ կացցէ հաղորդութեանն: Ապա թէ հարկաւ պահէ հեռագոյն գոյով, որպէս ի ձմեռնային ժամանակի, և կամ յերկիւղէ աւաղակոց՝ մի խափանեսցեն զպատարապն: Նոյնպէս թէ ձեամբ պատահեսցի՝ առցեն ի սուրբ տեղեաց, անխափան է՝ թէ Աստուած կամի: Այլ թէ մասն անկանի ի սուրբ տեղանն, երեք կարգով ապաշխարեսցեն. մի օր արտաքոյ կալով, և երկու օր ի ներքս՝ խորհրդոյն հաղորդեսցին: Իսկ եթէ յիսկէծածկոցն անգանիցի՝ մի խորհրդի՝ անշխառ է:

Իսկ եթէ ի խոնարհ՝ առ ոտն սեղանոյն անկանիցի, ութ օր արտաքոյ կացցէ սրբութեանն, և երկու ի ներքս, և ապա հաղորդեսցի: Իսկ թէ ներքոյ բեմին անկանիցի՝ երկու ութեակս պահիցէ:

Ապա թէ ի գինոյն հեղու ի սեղանն՝ ութ օր. Իսկ թէ ի խոնարհ՝ քառասուն օր: Զերիս տասն արտաքոյ, զմի ի ներքս, և ապա հաղորդեսցին: Իսկ թէ ի ներքոյ բեմին հեղցի՝ քառասուն ապաշխարիցէ:

Այլ թէ իշացաւ յեկեղեցի, եթէ ակամայ՝ ութ օր արտաքոյ կացցէ, ապա թէ կամաւ անհոգացեալ ամ մի: Բայց վարդապետն իշխան է՝ ըստ ապաշխարութեանն և զժամանակն կարճել: Սոյնպէս և ի պատարապին, թէ ակամայ՝ երկու ութեակս արտաքոյ կացցէ, ապա թէ կամաւ՝ այլազգաբար անյուսու թեամբ յարհամարհանս եկեալ սրբոյ խորհրդոյն՝ ի բաց կացցէ ամենեւին ի քահանայութեանն զոր ունին: Բայց ի ջերմեռանդ յապաշխարութեան յարոստուս նորա հաշիցեալ վարդապետն՝ իշխան է որպէս և կամի: Այլ թէ զկարգ գոյով պատարապեալ յանգէտս՝ շաբաթ մի արտաքոյ կացցէ. ապա թէ գիտացեալ և պատարապեսցէ յաղագս պատուոքաց եկեղցի՝ փառասիրէ, և

կամ յաղագս ընծայից բերողաց հարկեցաւ փառաւորել, զփառսն որ առ յԱստուծոյ անարգեաց, այնպիսին ընծայիւք է: Եթէ սուրբութեամբ առնիցէ, ամենեւին ի բաց կացցէ ի կեանս իւր ի սուրբ խորհրդոյն. ապա թէ մի անգամ կամ երկուս ըստ հարկի արար, և յետոյ զըջացեալ, քառասուն օր արտաքոյ կացցէ սրբութեանն՝ ջերմեռանդն ապաշխարութեամբ, և ապա հաղորդեսցի: Եւ ապաշխարութեանն արտաքոյ եկեղեցւոյ որ լինի, ըստ հարկի մեծի որ կացցէ ի վերայ, իշխան են գիտունք՝ որպէս յաւելու՝ սոյնպէս և կարճել. այսինքն, ի հնգէ՝ մի, ի տասնէ՝ երկուս, ի քսանէ՝ չորս, յերեսնէ՝ վեց, ի քառասունէ՝ ութ, ի յիսնէ՝ տասն, ի հարիւրէ՝ քսան: Եւ այսպիսի ընտրողութիւն ի հարկաւոր ժամանակի, զջերմեռանդ կարգածութիւն զքահանային տեսեալ, թէ այնպիսի հանգիստի մատուցանել պատարապէ բարեոք է թողացուցանել ի կամս Աստուծոյ:

« ԵԿԱՅՔ ԱՆՅՅՈՒՔ ՅԱՅՆ ԿՈՂՄՆ »

(Մարկ. Դ. 35)

Երթանք մենք անդին ուր դուն կաս միայն Ուր լոկ կը խօսիս երկընքի վըրան. Հաճոյք ու փառքեր կ'անցնին վաղաժամ Երթանք ով Յիսուս, որ քեզ մերձենամ:

Տար զիս յաւիտեան լուռ անապատներ Ուր չըկան տառասկ, աշխարհի հոգեր. Կ'ուզեմ զիս մոռնալ, ըլլալ անմարմին, Երթանք, ով Յիսուս, երթանք միասին:

Միայն դուն ունիս կենսատու խօսքեր Աղօթքի լեզու, ու սիրոյ պատուէր. Կը սիրեմ քեզ հետ ապրիլ առանձին, Երթանք, ով Յիսուս, երթանք միասին:

Ես ալ չեմ փրկուեր բոցավառ զարուն, Պատրանքի աչքեր, զինին փրկվորուն. Շարաւ եմ վըճիտ բաժակ մը ջուրին Երթանք, ով Յիսուս, երթանք միասին:

Թէ ինձ լեզի տաս զեղուն բաժակով Կը ձօնեմ քեզ հետ Աստուծոյ սիրով. Տըկար է մարմինս, յօժար իմ հոգիս Մինչեւ Գողգոթա առաջնորդէ զիս:

Այդ ինչ սեւ քօղ է որ կը ծածկէ քեզ Յաճախ աչքերէս, երբեմն հոգիէս. Ելիր, կ'ընկղմիմ ես խորը ծովուն Մի նընջեր այլեւս երկնի զօրութիւն:

Հեռուն կը դիզուին ամպեր փոթորիկ Նաւակն հաւաքիս յողբող կը ծըփի. Ձայնէ՛ հողմերուն, սաստէ՛ ալիքին Որ զիս յուզելէն դադարին, կարկին:

Զեռքերդ արիւնտ, օրհնութիւնդ առատ Տարածէ Յիսուս հոգւոյս իմ աղբատ. Առանց քու կամքիդ չի բացուիր զարուն, Առանց քու խաչիդ չըկայ յարութիւն:

Թող որ համբուրեմ հոգւով խանդակաթ Սայրասուր քարերն ու բեռնն երկաթ. Ոթեռաններ կան խաչերէն անդին, Երթանք, ով Յիսուս, երթանք միասին: